

外科証治全生集

王洪緒先生外科證治全書

序

余閱外科書夥矣而求其剖析陰陽辨理寒熱簡明切要者
莫如此書靈樞癰疽之篇條緒繁多淺學難於尋識金匱祇
列瘡癰腸癰兩種大意以深淺分陰陽而其旨未暢後人鑽
研末由遂岐途徑王氏獨紹絕學啓發靈局振墜扶危厥功
已鉅嘉定王氏校刊本鄂中再刻之其論證互見未便繙閱
家弟器之治此有年曾爲區分門類頗有增損字句世稱善
本嗣長洲蔣氏刻於蘇城伯寅弟翻雕於京師鄂中尙無此
本余既刊各種醫書成卽急爲付梓以廣流傳吳縣潘霽

自序

明劉誠意伯言藥不對症任死者多余曾祖若谷公祕集云
癰疽無一死症而諸書所載患生何處病屬何經故治乳巖
而用羚羊犀角治橫痃而用生地防己治瘰癧惡核而用夏
枯連翹概不論陰虛陽實惟多用引經之藥以致乳巖橫痃
患成不救瘰癧惡核潰久轉怯竟不知爲引經之藥所誤反
諉咎於白疽本不可救不亦謬歟夫紅癰乃陽實之症氣血
熱而毒滯白疽乃陰虛之症氣血寒而毒凝二者俱以開腠
裏爲要腠裡開紅癰解毒卽消白疽解寒立愈若憑經而不
辨症藥雖對經其實背症也世之患陰疽而致斃者頗多苟

其陰陽別治何至有死症乎余曾祖留心此道以臨危救活之方初起立消之藥一一筆之於書爲傳家珍寶余幼讀之與世間諸書迥別曆症四十餘年臨危者救之初起者消之痛癢者止之潰爛者斂之百治百驗憑經治症天下皆然分別陰陽惟予一家是以將祖遺祕術及予臨症將藥到病愈之方並精製葯石之法盡登是集以待世之留心救人者依方修合依法法製依症用葯庶免枉死使天下後世知癰疽果無死症云爾

時

乾隆五年歲在庚申仲春朔日洞庭西山王維德洪緒氏書

凡例

一癰與疽之治截然兩途世人以癰疽連呼並治夫癰疽二字之連呼卽夫妻二字之連呼也若以癰藥治疽猶以安胎之藥服其夫矣是集以癰疽分別兩途皆執症執方之法如照法法製照症用藥救人之功余不敢分害人之罪余當獨認情愿萬劫披毛甘受屠家誅戮

一輯是集專論陰虛陽實認定紅白兩色是癰是疽治卽全愈所載諸方皆藥到病愈切勿增減並勿因貴重之藥減輕逐症治法開卷一目了然不必投師人人可精此道

一諸書惟馮氏錦囊內附陰疽論與余家遺祕相符獨無消疽之方惟以溫補兼託爲法且疽初起卽如平塌安可用託託則成患余家之法以消爲貴以託爲畏卽流注癰癰惡核倘有潰者仍不敢託託則潰者雖斂增出者又如何邪故以消爲貴

一外科之虛實發現在外治之法集中詳細不必諳脈儘可救人故痘症之險

閱順逆眼科之心肝脾肺腎皆現於外故亦不診脈也好學者察患色則知症照症治無不痊

一醫可寄生死閱坊刻外科妄稱正宗載云症現七惡卽死又載以桐油燒紅衣鍼鍼入痰塊半寸用降藥爲條插入鍼孔七日塊自開裂再以條插七日其核自落又稱毒在皮裏肉內刀割深要寸許方能洩毒殊不知毒在皮裏膜外或應開刀尙忌深過三分恐傷內膜若深入寸許傷透內腑病人何能堪此極刑七惡之現頃刻矣世之宗其法治盡屬創徒此集惟疗用刺其外概不輕用刀鍼並禁昇降痛爛二藥

一偏身所患止有紅白兩色紅者癰白者疽癰疽卽其名也有謂無名腫毒者因未識其陰陽也

一是書無論背項腰腹色白者言疽以疽藥愈之紅腫者言癰以癰藥愈之坊刻書稱以某藥與服不應再易某藥豈非以人試藥乎倘患生要緊穴道安可遭醫幾試望高明詳之

一世無爛久之癰惟藥初起失消或遭降灸鍼割以致年久不斂治之方藥集中詳細

一此集有行到之處好學者自然依此治法初起者消久潰者斂余恐此集遲到醫未經目人未見習以致多悞是以任坊翻刻速遍海內使醫有生人之治而無枉死之人余願遂矣

一載癰疽咽喉疔毒結毒諸瘡痔漏等症皆藥到病愈之方其雜症及臨症後所附諸病諸方亦一服卽效者附梓集中內無以人試藥之誤望有力者照方合就對症施送或止取藥本或鈔方傳人註明法製

一是書所有之藥法製極詳不可忽略宜細心照法精製藥純效速

一傷寒症有轉經傳變故有醫不執方之說至如外科雜症全賴識症執方余年七十有二治病經歷四十餘年用藥從無一錯故敢輯是集以公諸世因名症治全生

外科症治全牛集目錄

卷之一

癰疽總論

部位論名

爛潰不斂

患孔毒根

翻花起肛

毒氣攻心

總以上

陰疽論

陰疽治法

流注

附孕婦孩兒

甲疽

井泉疽

瘰癧

治法有四
附肘腋穴

小腸疽

鶴膝風

橫痃

乳巖

貼骨疽

骨槽風

惡核痰核

石疽

善癰頭

鵝掌瘋

鵝爪瘋

凍瘡

陰疽用膏議

附末以
上陰症

癰癰

牙癰

發頤遮腮

子癰

囊脫

赤遊螳螂子

疔毒

紅絲疔

刀鐮疔

疔走黃

楊梅結毒

諸瘡

外科症治全牛集

目錄

癰疥繡毬瘋

膿疥間雜

膿窠坐板濕毒猴獬疽

惡瘡極癢

蠟梨瘡

不癢黑瘡

頭面肥瘡

膿瘻

爛腿

漆瘡

患瘡日久

瘡癤

火珠

流火

諸癰

蛇髮癰

陰頑惡癰

痔漏七症

外痔

內痔

痔漏成管

石瘤

大癰潰後議附末以
上陽症

肺癰肺疽

發背

脫骨疽

天蛇頭

耳後銳毒

驢眼

牛棟臉

懸癰

乳癰又名
妒乳

魚肚癰

痘毒以上有陰
有陽症

喉痺

附卷
痰法

乳蛾

喉癰

喉珠

鎖喉

纏喉風

喉閉附針少
商穴

牙疳

走馬牙疳

牙蝕

風火蟲牙

舌上出血

小兒口疳

舌腫

口疳時發

舌硬生衣

熱痛喉症

視咽喉七症訣

附末以上
咽喉口舌

附製
喉鎗法
新

湯火燙

狗咬

跌打骨斷

閃頸促腰

骨鯁

天絲入目

塵屑入目

赤眼淹纏

孩童目疾

痘後自疾

鼻衄

大麻瘋

乳懸

係怪症○以上雜
症末附怪症一

卷之二

臨症治法

三十症

調經種子方

求嗣得孕說

手足不仁骨節麻木

手足骨節疼痛

痛風

箭風

雷頭風

偏正頭風

胃脘痛

痞癖

三日大瘡

黃疽

附酒溼症
辨

紅白痢

癰癩症

附羊頭風

吐血

附吐血
用酒辨

痰中有血

咳嫩

冷哮

胃寒嘔吐黃水

翻胃初起

腸紅

水瀉

小便閉

大便秘結

尿血頭裂

夢遺

白濁

烏痧脹

小兒病症

疳癆食積

小兒蟲症

小兒夜啼

急慢驚風

啞驚

卷之三

諸藥法製之法

諸藥藥性

卷之四

陽和湯

二陳湯

千金內託湯

敗毒湯

奪命湯

四仁湯

瀉熱湯

桂薑湯

枸橘湯

龍膽瀉肝湯

清暑湯

紫銀茶

六味地黃湯

十全大補湯

加味四物湯

加味保元湯

蘇前湯

赤荊湯

銀荷湯

雙砂湯

金烏湯

以上煎劑

陽和丸

犀黃丸

醒消丸

小金丹

五通丸

三黃丸

子龍丸

梅花點舌丹

飛龍丹

即蟾酥丸代刀散

礪峒丸

護心散

角刺粥

白芷散

洞天救苦丹

大棗丸

神仙棗

紅棗丸

愈瘡棗

雪梅丸

聖靈丹

回疔散

杜痔丸

雙繫丸

退管散

以上丸散

一筆消

拔疔綫

平安餅

雄腦散

合掌散

二美散

五美散

金銀散

掃雪散

金霜散

癰酒

蜈蚣油

結子油

錦綫油

新増

紅油

刻歡丸

治牙痛

香清餅

水金散

五寶散

推車散

山蓮散

象皮散

六和散

紫金錠

勝金散

五音鼓

觀音救苦丹

拔毒散

消管方

枯痔藥

槐梅膏

鮮角膏

四妙膏

麝蘇膏

紫藥

楊梅敷藥

以上敷藥

壁錢散

珍珠散

赤霜散

馬蹄散

南星散

固齒散

取齒散

四黃散

二冬散

犀黃散

燈心散

停耳散

以上吹藥

陽和解凝膏

洞天鮮草膏

白玉夾紙膏

化核膏

白花膏

紫微膏

咬頭膏

烏金膏

以上膏藥

外科症治全生集 卷之一

古林屋山人定定子王維德洪緒氏纂輯

吳縣潘 爵重校刊

同人 參 校

癰疽總論

癰疽二毒由於心生蓋心主血而行氣氣血凝而發毒毒借部位而名治論循經則誤症之根盤踞徑寸而紅腫者謂癰癰發六腑若其形止數分乃爲小癰按之陷而不卽高雖溫而頂不甚熱者膿尙未成按之隨指而起既軟而頂熱甚者膿已滿足無膿宜消散有膿勿久留醒消一品立能消腫止疼爲療癰之聖藥白陷有謂疽疽發五臟故疽根深而癰毒淺根紅散慢者氣虛不能拘血緊附也紅活光潤者氣血拘毒出外也外紅裏黑者毒滯於內也紫黯不明者氣血不充不能化毒成膿也膿色濃厚者氣血旺也膿色清淡者氣血衰也未

出膿前膿裏之間癰有火毒之滯疽有寒痰之凝既出膿後癰有熱毒未盡宜
託疽有寒凝未解宜溫既患寒疽酷暑山宜溫暖如生熱毒嚴冬尤喜寒涼然
陰虛陽實之治迥別閱古方書總覺未詳因暢其旨備覽焉諸疽白陷者乃氣
血虛寒凝滯所致其初起毒陷陰分非陽和通腠何能解其寒凝已潰而陰血
乾枯非滋陰溫暢何能厚其膿漿蓋氣以成形血以華色故諸疽平塌不能逐
毒者陽和一轉則陰分凝結之毒自能化解血虛不能化毒者尤宜溫補排膿
故當潰膿毒氣未盡之時通其腠裏之功仍不可緩一容一縱毒即逗留一解
一逐毒即消散開腠而不兼溫補氣血虛寒何以成膿猶無米之炊也滋補而
不兼開腠僅可補其虛弱則寒凝之毒何能覓路行消且毒盛者反受其助猶
車粟以助盜糧矣滋補不兼溫暖則血凝氣滯孰作釀膿之具猶之造酒不暖
何以成漿造飯無火何以得熟世人但知一概清火以解毒殊不知毒即是寒
解寒而毒自化清火而毒愈凝然毒之化必由膿膿之來必由氣血氣血之化

必由溫也豈可涼乎况清涼之劑僅可施於紅腫癰癤若遇陰寒險穴之疽溫補尙虞不及安可妄行清解反傷胃氣甚至陽和不振難潰難消毒攻內腑可不畏歟蓋脾胃有關生死故首貴止痛次宜健脾痛止則惡氣自化脾健則肌肉自生陽和轉盛紅潤肌生惟仗調和補養氣血之劑若夫性寒之藥始終咸當禁服

部位論名

但論部位而名癰疽雖未分辨虛實然諸名色後學亦應知之卽如毒生頭頂而有善癰髮疽之名頸項有落頭對口腦疽之號鴨蛋因毒夾於腋中魚肚緣患生於腿肚失榮獨在項間夾疽雙生喉側脚骨號夾棍之瘡潰爛肌膚則爲驢眼足心爲湧泉之穴毒匿脚皮則成牛樣腹癰指正箭袋云偏鼻田螺大母指之爛名扁擔怪肩穴中之癰毒鬚前疽耳後發腿曰腿癰下稱跨馬白謂冬瓜手發背脚了疽偷糞老鼠又號懸癰漏稱海底指說蛇頭甲謂甲疽膝蓋腫